

in desseme openen breve, dat we umme ghemeyner nud und vredes
 willen mid wolbedachtem mode uns voreyniget unde vordragen hebben
 in aller mate unde wise, also hir na beschreven steyt. To dem
 ersten dar up, also de rayd van Lubike unde der Hensestede sende-
 boden ichteswelke unser uns vorenanten rede der stede geladen hebben 5
 van der ghemeynen Hense weghene eyne dagh to besendene to Lubike
 to wesende uppe sunte Johannes Baptisten dach to middensommere
 negest to komende, so dat we den sulven dach van unser aller weghene
 besenden willen, by namen uthe dessen vorgeschrevenen steden Magde-
 borch Brunswik Hildensem und Gottinge, unde de jenne de dar ridende 10
 werden schullen unde willen de teringhe uppe der reyse uth unde
 wedder to hus utleggen unde unser allerbeste werven unde don, also
 we dar van ghescheyden sin, unde we allesamt schullen unde willen
 den jennen de dar ridende werden van unser aller wegene vor koste
 unde eventure stan unde one de teringhe wedderkeren, also dat unser 15
 eyn iowelk dar to lecghen unde don schal unde wil in sulker wise
 unde na antale des gheldes, also uns eyner isliken stad to bescheyden
 unde hir na benomet is, dar men der heren midde bekomen schal;
 unde wanne de sendeboden van unser weghene dar geschicket wedder
 to hus gekomen weren, de schullen uns allen dat avescheydent des 20
 gehaltenen daghes unde ok de kost, de uppe der reyse vorthet were,
 witlik don, unde wad denne eyner isliken stad na der vorgherorden
 antale dar to boren mochte, dat scholde unser eyn iowelk bestellen
 unde schicken by den rayd to Brunswik den steden, de dat midde ut-
 gelecht hebben, to orem deyle to truver hand bynnen eynem mante, 25
 ane gheverde. Were ok dat wij na desser tijd van der Hense weghene
 meir vorbodet worden daghe to besendende by de see, de wile dat
 desse vordracht wared, wanne denne de bodeschop queme den van
 Magdeborch edder den van Brunswik, de scholden dar umme to hope
 rijden unde overweghen, wer des noyd were uns dar umme to hope to 30
 vorbodende. Duchte one denne des behoff wesen, so scholden se
 uns anderen in eyne belechlike stidde dar umme vorboden: wes wij
 denne dar eyn worden umme den dach to besendende, dar scholde dat
 by bliven. Vortmer hebbe wij uns vordragen de unse unde den cop-
 man to bevredene. Weret dat iemend jennigen uthe unsen steden, den 35
 copman vorman edder we uns unsen steden aff edder to vörde vor-
 hinderde beschedeghede edder in dussem jegenwordigen verndel jares,
 in dussem vorgangen dren jaren unde eyn verdel jares vor uthgiff
 dusses breves rede wene beschedeget hedden an lyve edder an gude,
 so scholde de stad, der dat best belegen were, dar truweliken inne 40
 arbeyden dem copmanne edder dem beschedegeden des sines wedder

liggen bliven vor Halverstad dat se on recht afmanden. disse reise vullenginge,
 und de bischop toch dar vor mit sinen heren und vrunden und mit den van Que-
 delingeborch und den van Aschersleven, und de rat van Magdeborch und van
 Brunswik Halle und Hildensem quemen dar vor und hadden wol 2 dusent gewa-
 pent. *Ebd.* S. 371²⁹—372¹⁰.